

Հ.ԱՐԲԱՀ ԱՄՅԱՆ, Բայազետ, «Առերեսում - Անի» Հրատ., Ե., 1998, 123 էջ:

Մեծ Հայքի յուրօրինակ բնակավայր է եղել Բայազետը, որը 1826 - 1828թթ. ռուս-պարսկական պատերազմի ժամանակ լրիվ հայաթափվել է, իսկ նրա բնակիչները, մահաբեկության հայածանքներից հոգնած, հանգրվանել են մայր հայրենիքի մի այլ հատվածում՝ Գեղամա լճի ափին՝ ապրելու հույսին ապավինած: Դժվար է եղել տեղահանվելը, նույնքան տառապագին՝ նոր վայրերում բնավորվելը, սակայն որոշման հիմք առնելով է՞ր՝ հողը պապենական էր, համոզված էին՝ այլևս չէին կոտորվելու այրածավաններից:

Հին ու Նոր Բայազետների պատմությանն է նվիրված Հենրիկ Աբրահամյանի գիրքը: Հեղինակը երկար է աշխատել գրքի վրա, օրհնագրաբար հավաքել է համապատասխան պատմական նյութեր, համադրել դրանք, դասգասել և ստեղծել մի ուշագրավ զբաղմունք:

Մեզանում առանձին տեղանուններին, աշխարհագրական ու պատմական վայրերին նվիրված աշխատությունների ավանդույթ կա: Բավական է հիշել Ղևոնդ Արշալևի մի շարք առվարածավալ հատորները՝ նվիրված Հայաստանի նահանգներին, նրանց նշանավոր մարդկանց, աշխարհագրական առանձնահատկություններին, պատմական դեմքերին և ինքնատիպ բոլոր երևույթներին:

Հենրիկ Աբրահամյանն այս գիրքը գրել է և՛ ճանաչողական, և՛ գաստիարակչական, և՛ հրապարակախոսական նպատակներով: Գրքի բնաբանն է Հայ միջնադարյան գրականության նշանավոր դեմքերից մեկի՝ ՄԱ - ՄԱԳԳ. նշանավոր մատենագիր և գիտնական Հովհաննես Սարկավազի բանաձևումը՝ «Անցյալը... ուսումնասիրելով մենք ըմբռնում ենք ապագան»: Գիրքն սկսվում է Գոյի մասին հեղինակի խորհրդածություններով, որ հավաստում են, թե որքան կարևոր է ազգային մեծությունների, Հայրենի երախտավորների հիշատակի պահպանումը: Ահա նրանց հետմահու անմահանալու անհրաժեշտության պարտքի զգացումով հեղինակը բարձրացնում է մի անուն՝ Բարսեղ Արծրունի, մեծ Հայրենասեր, եռանդուն գործիչ, որի տապանաքարը գտնվում է Սևանի եկեղեցու բակում: Տապանաքարի մակագրության մեջ իշխան Բարսեղ Արծրունին իր Հայրենասնվիր և ազգագույն գործունեության համար բաղդատվում է Ավարայրի նահատակ Վարդան Մանսիկոնյանի հետ: Նա ծնվել է 1805-ին և վախճանվել է 1875-ին: Բարսեղ Արծրունու մասին ջերմորեն խոսել է ինչպես Սարգսյանը, որն իրեն ժամանակակից նշանավոր մարդկանց գործերն անմահացրել է «Վերջ Հայաստանի» վեպում, «Ընդ թողանք էն մեր հոյակապ իշխանքը՝ Բարսեղ, Մանուկ, Մերտիչ սղեքն բայագղզի, աշխարհահռչակ տունն Տիգրանյան Ղարսցի...: Էսօր էլ նրանց անունը տալիս՝ բայազետցիք ու դարսցիք ուզում են երեսներին խաչ հանեն, էնքան անթիվ են նրանց հերությունն ու լավությունը աղզի վրա» (6):

Հենրիկ Աբրահամյանը գրել է փաստահարուստ մի գիրք՝ ջնշելով իր քաղաքի վկայությունների հիմքերը: Գիրքը հիմնականում ընդգրկում է XIX դ. անցքեր, սակայն վերջին հատվածները մոտենում են մեր օրերին և ամբողջովին վերաբերում են Նոր Բայազետին՝ վերածնված Բայազետին: Հին Բայազետն աչքի է ընկել իր անատիկ բերդով, որն ըստ գերմանացի ճանապարհորդ Վադենբերի, «Հանդուգն և հրաշակերտ մի շինվածք է՝ այնպիսի տեղերի վրա հաստատված, որ բազմաթիվ ու անզղնեղ հաղթի թե համարձակվեն բուն դնել» (14): XIX դ. սկզբին Հին Բայազետն ուներ 1735 տուն և շուրջ 12000 Հայ բնակիչներ, իսկ մահմեդականներն ունեին այնտեղ ապրող 310 ընտանիքներ: Մահմեդական գերիշխանությունը իր հետամնաց մեթոդներով փորձում էր խլացնել Հայերի ազգային զգացմունքները, ազատասիրական ձգտումները, սակայն հերոս և ըմբոստ բայազետցիները հույսեր էին կապում Ռուսաստանի հետ: Հեղինակը քննում է XIX դարասկզբի և 1826 - 1828թթ. Հայ-ռուսական քաղաքական հարաբերությունների խնդիրները՝ նկատելով ճեղքվածք Հայերի՝ դեպի ռուսներն ունեցած անձնավորության և ռուսական պետական քաղաքականության միջև: Սակայն Աբրահամյանի կարծիքով, թեպետ մեծ էին Հին Բայազետցիների զոհողությունները, կորուստները, բայց

և այնպես, ուստի կողմնորոշումը փրկություն էր լիովին ընաշնչվելուց և Հնարավորություն՝ Հայաստանին՝ Ուսաստանին միացած հատվածում վերածնվելու համար: Դրքի լքերում, ինչպես մտապատկերում, սահում են ճանապարհորդների աշխարհային թյուրմիտքը՝ Հին ու Նոր Բայազետներից, որոնց գումարում են ընաշնարհիկ մարդկանց թողած հուշերը: Հեղինակը լայնահայաց է նայում Բայազետի պատմական ճակատագրին, այն չի տարանջատում Հայ ժողովրդի ընդհանուր տարաբախտությունից՝ և այս հարցում նա հետևում է Ուսաստան Արուսյանին, որի նկատմամբ ունի առանձնակի հիացական դիրքորոշում:

Նրիցս իրավացի է Հենրիկ Արազամյանը, երբ Խաչատուր Աբուլյանի առիթով նկատում է, «Մեղանից շատերը հավանաբար, Խաչատուր Աբուլյանին ավելի շատ են սիրում, քան նրա գրական հերոսներին: Նրա կյանքն ավելի ուսմանտիկ է, շատ ավելի կրթական, անհայտության լուսապատկերով պարուրված» (71): Խաչատուր Աբուլյանը ղեկեռ 1847 թ. Նոր Բայազետի համար գումարում էր «...ամենաբնական մի ապագա, որ շատերին ղեկեռ անհայտ է, բայց որ շատերի համար նախանձելի կարող է լինել»: Աբուլյանը մշտապես իր մտածումների մեջ էր պահում ողջ Հայ ժողովրդին և Հայերին դիտում էր միայն իրենց միասնության մեջ՝ նրա համար թանկ էր ամեն մի Հայի նականդարը: Այս մտահոգությանն է որդեգրվել Հենրիկ Արազամյանը. նրա գիրքը Բայազետի մասին է, սակայն նրանում առկա է պժպի մոտեցում ողջ Հայության նականդարի նկատմամբ՝ պատմականության ու արդիականության փոխկապակցված ճշգրիտ և պրահանգումներով:

Հայ-ոտոմանական պատմաքաղաքական հարաբերություններում ընդգրկված էին ուս, Հայ, վրացի նշանավոր գործավարներ, զորոհներ, բարձրաստիճան հոգևորականներ: Ձի մոռացվում նույնիսկ քուրդ ցեղապետ Մահմեդ բեկը, որը Հայերին ծածուկ Հայտնում է թուրքերի ստոր ծրագրերի մասին և իր անունը հավերժորեն գրանցում Հայ ժողովրդի բարեկամների ցուցակում: Գրքում ուշադրավ ձևով պատկերված են Հայերի և Երևանի բերդը աղատադրող ուս գորահրամանատար Պասկևիչի փոխհարաբերությունները, որոնք երբեմն պղտորվում են Պասկևիչի մանրախնդիր ու սնապարծ նկրտումների հետևանքով:

Հետաքրքրությամբ են կարդացվում Ալեքսանդր Գրիբոյեդովի և Հայերի ճակատագրի փոխկապակցությանն առնչվող հատվածները: Գրիբոյեդովի և նրա մանկամարդ կնոջ՝ իշխան Ճավադավադի դստեր՝ Նինա Ճավադավադի ամուսնության մանրամասները, Հայազգի իշխանուհի Ալվերդովայի և Նինա Ճավադավադի մտերմության հանդամանքները պատկերված են շատ տեսանելի: Գրիբոյեդովի երիտասարդ կինը ամուսնու եղբրական մահից հետո չի կարողանում մոռանալ նրան, վշտահար ապրում է մինչև 1857թ. և թաղվում ամուսնու կողքին:

Գրքի երկրորդ մասն ամբողջությամբ նվիրված է Գեղամա լեռների գեղեցկուհու՝ Սևանի ափերին ծվարած Նոր Բայազետին: Թվարկվում են այն անձինք, որոնք այցելել են Գեղամա լիճ, հիացել նրա րացառիկ գեղեցկությամբ, նրան նվիրել ներքողական տողեր, սպասկերել կտավի վրա: Գեղամա լեռներին բանաստեղծություններ են ձոնել Նիկոլայ Տիխոնովը և լենինգրադցի երիտասարդ բանաստեղծ Վոլֆ Էպիխը: 1921թ. Ալեքսանդր Մյասնիկյանի որոշմամբ սեծովյան նավապետ Երվանդ Գասպարյանի ջանքերով Սևանա լիճը դառնում է նավարկելի և առափնյա 20 գյուղերի մեջ ապահովում է երթևեկությունը: Սևանա լիճը իր գեղեցկությամբ դյուրել է շատերին. «Կապիտան Գասպարյանի» Սևանի նկատմամբ սերը փոխանցվեց Մաքսիմ Գորկուն, Անատոլի Լուսնաչարսկուն, Նիկոլայ Տիխոնովին, Միխայիլ Կոլցովին, շատ շատերին: Նա դարձավ նրանց լավ բարեկամը, ինչպես որ բարեկամ էր Սարգիս Լուկաշինի ու Աղասի Խանջյանի, Արամայիս Երզնկյանի ու Աշոտ Հովհաննիսյանի» (128): «Բայազետ» գիրքը ներծծված է Հայրենի բնության նկատմամբ հեղինակի անսահման սիրով: Գրքում կա մի լուսավոր երազանք՝ Նոր Բայազետը տեսնել Հայ ժողովրդի հարատևող կյանքի հավերժության մեջ:

Ա.Գ. ԴՈԼՈՒՄԱՆՅԱՆ

Բանասիրական գիտությունների դոկտոր